

陵水縣志卷之十

雜志

古蹟

遺事

仙釋

方伎

物異

古人有雜著有雜說有雜詩凡事之不能強立門類無可歸著而因緣以附見者統名曰雜嚴子陵之釣臺謝宣城之南樓弔古者流連弗去則古蹟尚焉延陵季子之於徐君春夢婆之於蘇長公覽者神馳則遺事亦不可沒也他如說元元於道流

陵水縣志

卷之十

一

談空空於釋部性之所近為仙為釋各有其宗至於醫如和緩卜如司馬季主星如洛下閎相加郭景純果得一節有補於人事即不得不以方技予之豈繫惟人物亦有然頌自伏勝作五行傳班孟堅而下多言妖而不言祥豈陰陽五行之氣獨能為妖孽而不能為嘉祥乎故妖祥不同大率皆變常而罕見者均謂之異可也作雜志

古蹟

一統志云富雲縣博遼縣俱在陵水遺址尚存河

遺事

泊所在縣治南興調鄉洪武十六年置今廢楊
淑人墓在縣東五十里後落嶺家世皆不可考
海南村戶在唐時已稱盛李贄皇詩云魚鹽家給
無墟市禾黍年登有酒樽可以想其物產之饒
富矣

桂海虞衡志云黎母之嶺雖生黎亦不能至其上
有人壽考逸樂不與世接熊豹守險無路可通
但覺水泉甘美絕異耳初疑其言近詢之熟黎

陵水縣志

卷之十

二

數人咸云黎母山下有一村代生壽婦且有泉
極清而甘傍積無限果殼鳥羽方知石湖之言
當有據也

仙釋

交趾道士宋人年九十九別號漫叟因渡海舟裂
遊於陵萬間結庵萬州金仙水石上常踰烏石
下牛嶺蹕蹠笑傲人見之不知其為何許人養
一鷄大如倒挂子常置枕邊啼即覺又養一猢
猻小如蝦蟇以線繫几案間道士飯已即登几

吮其餘又一小龜如錢置盒中時使出戲衣袖
間僧惠洪見戲指其面曰公小人國中引道神
也後莫知所之

康熙三十五年五指山白日中雲鶴翔空香霧縹
繞一仙人升舉空中語山中入曰我三國時徐
庶也修煉千年今得冲舉汝輩可傳與世人知
之

方伎

林富華百一壽母之養孫平生詎諧樂善以醫濟

陵水縣志

卷之十

三

人所治無不效隣里乏藥資者富華捐施之素
為田司馬宏祚所推重稱以瘴鄉國手聯云功
業侔良相精微授聖人知縣趙振鐸題云學究
靈樞聯云與國調元氣為人養太和

物異

明成化間彗星見

國朝順治十二年大饑霖雨不止田中水深三四尺
籽種盡絕升米百錢百姓死亡枕藉或逃故
方土地蕪廢縣治一空

康熙十一年閏七月二十七日颶風大作

按兩粵沿海之地皆有颶風每發則廬舍田稼必有傷損所傷之多寡視乎颶之大小所傷多則曰大作其少者土曰作而已

二十八年正月十八日巳時地震三月初十日戶時又震

三十一年大有年

三十二年十二月朔有星赤色見東方至望乃
二十六日白氣見南方然是年大熟

陵水縣志

卷之十

四

三十三年五月十五日颶風作

三十七年五月初二日颶風作

三十八年旱饑黎民王振邦叛

四十二年春疫海賊犯境尋遁

四十六年三月初四日雨雹

五十二年閏五月初二日颶風作

雍正八年三月十二日慶雲見

十三年歲大熟七月二十四日夜颶風大作

乾隆四年六月颶風作

六年八月颶風大作

十年颶風作

十八年颶風大作

二十一年大有年

三十三年六月十八日颶風大作七月二十二日

慶雲見

三十七年十月大水然歲熟不為災

二十八年颶風作

五十年歲大熟

陵水縣志

卷之十

五十二年大有年

補遺

牛嶺濟人渡碑記

田宏祚

邑治之北四十里許牛嶺下有河自黎山由加攝
村出遂入海此港舊名爲吞人港以其地沙浮不
實遇涉輒陷故有是名每遇潮發行旅經此莫不
浩歎向設有渡久而廢棄邑人士擬公捐造石橋
劉生仕璋欣然認出五百金已交半與首事未成
而止予調任茲土過其地見其山川考其形勢建
橋之費奢且不能久不若設渡議渡費之爲愈正

陵水縣志

補遺

在議修間劉生仕璋聞之踵署慨然承認道及已
預買有田作渡費矣即捐造一船予因其地去舖
尚遠須建屋與渡夫住使其朝夕不離看守庶往
來者呼而即應劉生欣然曰誠如所議並願捐修
爰鳩工刻日成備噫茲役也劉生之濟人功德無
疆矣有船以爲渡有田以爲渡夫食有瓦屋與渡
夫住自是長守茲港以濟人尚何吞人之憂哉因
易其名曰濟人港並將所置渡費之田文契載入
工房與交盤一例查考以垂不朽噫劉生之濟人

誠可嘉矣予實嘉之更請列憲嘉之以爲濟人好
善者勸是爲序

陵水縣志

補遺

二

